

UNIMAS anjur persidangan perintis pelajar kejururawatan

KUCHING, Selasa — Persatuan Jururawat Malaysia (MNA) dan Jabatan Kejururawatan Universiti Malaysia Sarawak (UNIMAS) telah menganjurkan persidangan yang julung kali dianjurkan untuk pelajar kejururawatan di Malaysia di Fakulti Perubatan dan Sains Kesihatan, UNIMAS.

Persatuan Jururawat Malaysia Cawangan Sarawak dan Jabatan Kejururawatan UNIMAS telah diberi kepercayaan untuk menjadi perintis dalam menganjurkan persidangan bagi pelajar kejururawatan di seluruh pelosok negara dengan tema "Pelajar Kejururawatan adalah Pemimpin Jururawat Pada Masa Depan".

Objektif persidangan ini adalah untuk memperengkap pelajar kejururawatan dengan

sifat dan semangat kepimpinan tinggi dalam bidang kejururawatan.

Ia turut menetengahkan isu semasa dalam bidang kejururawatan dan juga semangat profesionalisme dalam kalangan jururawat.

Tiga pensyarah kanan daripada Jabatan kejururawatan UNIMAS iaitu Dr Sidiah John Siop, Dr Zabidah Putit dan Cik Jane Buncuan telah dijemput untuk memberi syarahan. Seramai 275 pelajar daripada institusi kejururawatan seperti UNIMAS, UiTM, Segi, KSKB, ICATS dan Masterskills mengambil bahagian dalam persidangan ini.

Persidangan telah dirasmikan oleh Timbalan Presiden Persatuan Jururawat Malaysia, Puan Mari-

am Madhar Ali dan ditutup oleh Presiden Kehormat MNA Dr Dame Hjh Ramziah Hj Ahmad.

"Jururawat harus bertanggungjawab dalam memajukan kerjaya mereka sendiri. Oleh itu amat penting untuk seseorang jururawat itu mempunyai daya saing yang tinggi, semangat profesionalisme yang tinggi dan kekuatan dalam memimpin profesion kejururawatan.

"Arus pembangunan di dalam bidang kejururawatan adalah sangat dinamik, yang memerlukan jururawat tersebut sentiasa bersiap siaga dalam memperlengkapkan diri dengan ilmu pengetahuan yang terkini dan berkemahiran yang tinggi", kata Presiden Kehormat MNA, Dr. Dame Hjh Ramziah Hj Ahmad.



UNTUK KENANGAN... Timbalan Presiden MNA, Marian Madhar Ali bersama Matron Fu Pengerusi MNA Cawangan Sarawak, penceramah Dr Sidiah John Siop & Ms Jane Buncuan, Pengerusi Persidangan Puan Saloma Pawi dan ahli jawatankuasa serta wakil wakil dari kolej kejururawatan.